

REPUBLIKA E KOSOVËS-REPUBLIKA KOSOVA-REPUBLIC OF KOSOVA	
QEVERIA E KOSOVËS-VLADA KOSOVA-GOVERNMENT OF KOSOVA	
MINISTRIA E SHËNDETËSISË-MINISTARSTVO ZDRAVLJA-MINISTRY OF HEALTH	
Njësia Org. Org.Jedinica Org Unit	01
Nr.Prot. Broj Prot. Prot.No:	05-9819
Nr.l faqeve Br.stranica No.pages	-3-
Datum: Date:	16,12,2024
Prishtinë / a	



Republika e Kosovës

Republika Kosova - Republic of Kosovo

Qeveria – Vlada – Government

Ministra e Shëndetësisë - Ministarstva Zdravstva - Ministry of Health

Në mbështetje të Ligjit nr. 06/l-021 për kontrollin e brendshëm të financave publike, Rregullores MF-nr. 01/2019 për menaxhimin financiar dhe kontrollin, të Ligjit Nr.08/L-117 për Qeverinë e Republikës së Kosovës, neni 11 nënparagrafi 1.5 dhe 1.14, të Rregullores Nr.14/2023, Për fushat e përgjegjësisë administrative të Zyrës së Kryeministrit dhe Ministrive neni 2, plotësuar dhe ndryshuar me Rregulloren Nr. 04/2021, dhe Rregulloren Nr. 03/2022, si dhe neni 38 paragrafi 6 të Rregullores së Punës së Qeverisë Nr. 09/2011, nxjerrë:

RREGULL TË BRENDSHME PËR MENAXHIMIN E RREZIKUT

Neni 1

Hyrje

1. Ministria e Shëndetësisë përmes Politikës për Menaxhimin të Rrezikut (tutje Rregulla) merr përsipër përbushjen e detyrave dhe përgjegjësisë në identifikimin, vlerësimin, zbutjen dhe monitorimin e rreziqeve për të siguruar realizimin e objektivave të veta.
2. Rregulla është formulim deklarativ i qëllimeve të përgjithshme dhe drejtimit të Ministrisë së Shëndetësisë lidhur me menaxhimin e rrezikut.

Neni 2

Qëllimi

1. Qëllimi i kësaj Rregulle është përcaktimi i parimeve, kërkesave dhe udhëzimeve për menaxhimin e rrezikut në Ministrinë e Shëndetësisë.
2. Kjo Rregull përshkruan konceptet themelore që janë bazë për përgatitjen e Procedurës Standarde të Operimit për menaxhimin e rrezikut në Ministrinë e Shëndetësisë.
3. Rregulla është e zbatueshme në të gjitha njësitë organizative të Ministrisë së Shëndetësisë.

Neni 3

Definicionet

1. **Menaxhimi i rrezikut** është proces i përgjithshëm i identifikimit, vlerësimit dhe monitorimit të rreziqeve dhe zbatimit të kontrolleve të nevojshme për të mbajtur ekspozimin ndaj rrezikut në një nivel të pranueshëm. Kjo duhet të integrohet si pjesë e procesit të përgjithshëm të menaxhimit.

2. **Rreziku** - reflekton pasigurinë drejt arritjes së objektivave të subjektit. Ekspozimi ndaj rrezikut është kombinimi i probabilitetit (gjasës që do të ndodhë një ngjarje) dhe ndikimit të ngjarjes nëse kjo ndodhë.
3. **Apetiti ndaj rrezikut** – Niveli i rrezikut të cilin subjekti është i gatshëm ta pranoj në mënyrë që të arrij objektivat e veta.
4. **Ndikimi** – nënkupton efektin e një ngjarje jo të favorshme që do të ketë për arritjen e objektivave, nëse ngjarja ndodhë.
5. **Incident** – Një ngjarje rreziku që ka ndodh.

Neni 4

Rolet dhe përgjegjësitë

4. Udhëheqësi i Ministrisë së Shëndetësisë:
 - 4.1. Siguron vendosjen e sistemit të menaxhimit të rrezikut dhe zbatimin e veprimeve për zvogëlimin e rrezikut në mënyrë që të arrihen objektivat e Ministrisë së Shëndetësisë.
 - 4.2. Është përgjegjës për mjedisin e kontrollit të brendshëm, për të përcaktuar se sa rrezik mund të bart Ministria (apetitin e rrezikut) dhe qasjen për zvogëlimin e rrezikut.
 - 4.3. Është përgjegjës për menaxhimin e rrezikut të dokumentuar në kuadër të Ministrisë së Shëndetësisë.
 - 4.4. E cakton Menaxherin e Rrezikut.
 - 4.5. Aprovon Procedurat Standarde të Operimit për Menaxhim të Rrezikut.
 - 4.6. Merr veprime për implementim të rekomandimeve të Auditimit të Brendshëm, Auditimit të Jashtëm dhe Komitetit të Auditimit për të përmirësuar proceset e menaxhimit të rrezikut në Ministri.
 - 4.7. Ofron siguri tek palët e interesit se rreziqet janë duke u identifikuar, vlerësuar dhe zvogëluar.
5. Menaxheri (Koordinator) i rrezikut
 - 5.1. Menaxheri (Kordinatori) i Rrezikut në Ministrinë e Shëndetësisë, duhet që në baza tremujore dhe kurdo që kërkohet (ad-hock) i raporton Udhëheqësit të Ministrisë së Shëndetësisë për MENAXHIMIN E rrezikut.
 - 5.2. Është përgjegjës e menaxherit të rrezikut që të sigurojë që analizat e menaxhimit të rrezikut kryhen në periudhë të rregullt tremujore për të gjitha njësitë organizative të Ministrisë së Shëndetësisë.
 - 5.3. Konsolidon listat e rreziqeve të përditësuara të pranuar nga secila njësi në Regjistrin e Rrezikut si regjistër qendror me të gjitha rreziqet në Ministrinë e Shëndetësisë.
 - 5.4. Menaxheri i rrezikut duhet të ketë qasje në informacion rreth operacioneve dhe vendimeve në organizatë. E drejta për qasje në informacion relevant definohet në përshkrimin e funksionit dhe mund të përfshijë p.sh. qasjen në sisteme të TI-së, dokumente, hapësirat fizike, etj.
 - 5.5. Menaxheri i rrezikut, kurdo që e sheh të nevojshme, ka të drejtë të merr pjesë në takime.
6. Udhëheqësit e njësisve organizative

- 6.1. Janë përgjegjës për identifikimin, matjen, monitorimin, vlerësimin dhe raportimin e rrezikut. Procesi i vlerësimit të rrezikut koordinohet me Menaxherin e Rrezikut.
 - 6.2. Janë përgjegjëse për mirëmbajtjen efektive të kontrolleve të brendshme.
 - 6.3. Vlerësojnë, kontrollojnë dhe zvogëlojnë rrezikun, përmes zhvillimit dhe zbatimit të udhëzimeve, rregullave, politikave dhe procedurave të brendshme.
 - 6.4. Përditësojnë listën e rreziqeve në baza tremujore dhe në fund të çdo tremujori listën e rreziqeve të përditësuara e dërgojnë te Menaxheri i Rrezikut.
7. Anëtarët e stafit
- 7.1. Është përgjegjësi e të gjithë anëtarëve të stafit që të respektojnë Rregullën për Menaxhim të Rrezikut dhe Procedurat Standarde të Operimit për menaxhim të rrezikut.
 - 7.2. Të informojnë mbikëqyrësin e tyre dhe Menaxherin e Rrezikut nëse vihen në dijeni për ndonjë incident potencial si dhe për ato rreziqe që nuk mbulohet nga procedurat ekzistuese.

Neni 5

Procesi i menaxhimit të rrezikut

5. Në baza tremujore dhe kurdo që është e nevojshme kryhet procesi i menaxhimit të rrezikut në Ministrinë e Shëndetësisë sipas fazave:
 - 5.1. Identifikimin e ngjarjeve që mund të ndikojnë arritjen e objektivave;
 - 5.2. Analiza dhe vlerësimi i rrezikut lidhur me mundësinë e ndodhjes dhe ndikimin;
 - 5.3. Veprimet ndaj rrezikut me qëllim të shmangies, transferimit, pranimit, ndarjes apo zvogëlimit të rrezikut.
 - 5.4. Monitorimin e zbatimit të veprimeve;
 - 5.5. Raportimi i rregullt rreth profilit të rrezikut në Ministrinë e Shëndetësisë.
6. Për zbatimin e fazave të menaxhimit të rrezikut në mbështetje të Politikës, zhvillohet dhe aprovohet për implementim Procedura Standarde e Operimit për menaxhim të rrezikut.

Aprovuar

Ministri i Shëndetësisë

Dr. Arben Vitia



Date: 12.12. 2024